

**Adami Tanneri E Societate Iesv, S. Theologiæ D. Et In
Academia Ingolstad. Professoris, Theologiæ Scholasticæ
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]
vitijs: ac varijs hominum statibus. Secvndae Secvundae S. Thomae
Aqvinatis Respondens

Tanner, Adam

Ingolstadii, 1627

II. Vtrum nihilominus infidelium ritus & errores aliquando sint tolerandi;
ipsisque infidelibus supra fideles dominium permittendum.

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

metus non solo & audo titulo infidelitatis inferatur, sed ob illatam iniuriam, iuxta dicta circa primam conclusionem.

DVBIVM II.

Utrum nihilominus Infideliū ritus, & errores aliquando sint tolerandi; ipsosque infidelibus supra fideles dominium permittendum.

S. Thomas 2. 2. q. 10. a. 10. & 11.

30 **T**ripartita est hæc de tolerandis ritibus vel erroribus prauis infidelium dubitatio. Primo enim queritur, an & qua ratione superstitionis ritus haereticorum, seu aliorum infidelium, qui Ecclesiæ temporaliter subiiciuntur, licite aliquando tolerari possint. Respondebat cum S. Thomas hic q. 10. a. 11. sequentibus assertionibus.

ASSERTIO I. Praui ritus moreisque infidelium licite ab Ecclesiæ tolerantur duabus de causis; nimirum vel ob vitanda maiora mala, vel ne impediatur maius bonum. Ita S. Thomas hic cit. q. 10. a. 11. cui Theologi omnes consentiunt. Probatur ex dicto Christi Matthai 13. vers. 28. vbi interrogatus seruis, de zizanijs superseminali; *Vis imus & colligimus ea?* Responder Paterfamilias: *Non, ne forte colligentes Zizania, eradicetis simul cum eis & triticum. Sinite utraque crescere usque ad messem.* Ratio est, quia hæc est communis & adæquata causa omnis iustæ permissionis malorum, vt generatim docuimus tom. 2. disp. 5. q. 1. dub. 3. quando etiam Deus ob easdem causas mala permittit. Neque enim leges & labor Principis in procreatione Reipublicæ pugnare aduersus eiusdem Reipublicæ commodum debent, sed huic potius deseruire. Quocirca etiam olim Christiani Imperatores, quando magna erat infidelium multitudo, corum ritus superstitionis ob perturbationem Reipublicæ vitandam, aut ne quod impedimentum salutis objeiceretur ijs, qui non raro conuertebantur, ad tempus permisérunt. Quibus etiam de causis non solum possunt, sed etiam nonnunquam debent eiusmodi mala tolerari.

32 **ASSERTIO II.** Sed & Iudæorum ritus hac peculiari ratione rite permittuntur, quod tanquam figura quadam & umbræ confirmant veritatem fidei nostræ. Patet ex canon. *Qui sincera. dist. 49.* Accedit, quod Iudei testimonium perhibendo libris sacris contra paganos, non parum Ecclesiæ prosunt, vt notauit Augustinus lib. 18. de ciuitat. cap. 46. Ex quibus etiam colligitur, qua ratione Iudæorum libri tolerandi sint. Qui enim simpliciter expositionem veteris testamenti tradunt, permittendi sunt, vt pote non minus utiles Ecclesiæ, quam Iudæorum ritus, vt recte Caietanus, Bannes, Arragonius, Valentia loc. cit. Alij vero, qui impiam doctrinam, aut contumelias in Christum seu fidem nostram conti-

nent, quales sunt libri Thalmudici, Cabalistici, &c. omnino flamnis tradendi sunt, vt iam olim statutum à Gregorio IX. Innocentio IV. Julio III. Paulo V. & recens à Clemente VIII. vt vide re est initio indicis librorum prohibitorum, quidquid Reuchlinius seu Capnio, & Galatinus, eiusmodi libros Thalmudicos retinendos & explicandos dixerint. De qua re plura Sextus Senensis Biblioth. lib. 2. verbo *Traditiones*.

ASSERTIO III. Extra predictos casus, non sunt permittendi ritus superstitionis seu impij infidelium, qui Ecclesiæ temporaliter subiiciuntur. Ita Sanctus Thomas ibidem, ex communi omnium. Probatur; quia nulla potest alia ratio esse, mala in subditis tolerandi, quam alterutra ex supradictis. Exempla & decreta hæc de re habentur in Concilio Carthaginensi V. Canone 15. in Elbertino cap. 44. & in Clementina vnica, de Iudæis & Saracenis. Et lege Nemo, Cod. de Paganiis, quorum templa & sacrificia aboliri iussi. Constantinus, idcirco laudatus ab Ambroso Epist. 30. & ab Augustino Epist. 48. 50. & 204. Idque re ipsa etiam executioni mandat, idem Constantinus apud Nicæphorum lib. 8. cap. 33. Iouianianus apud eundem lib. 10. cap. 39. Theodosius lib. 12. cap. 25.

Vbi tamen notandum, discriminis esse inter apostatas Ecclesiæ subiectos, & inter alios tantum temporaliter illi subditos. Illos enim cogere potest Ecclesia, vt dimissi omnibus ritibus Catholica doctrina oppositis, cum Ecclesia undequeque se conformet vt dictum dub. præcedenti: alios autem cogere non potest, nisi vt idololatricos, aliosque superstitionis ritus, ipsimet naturali rationi repugnantes, vt & cætera peccata contraria, gem naturæ deuident.

Atque ex hac doctrina, circa præsentem Ecclesiæ statum, iudicandum est, an & qua ratione libertas Religionis intra certos & præscriptos terminos, aliquando permittenda sit. Certum enim & indubitatum est apud omnes Catholicos, licet non permitti principibus Christianis, nisi vel ob maius malum vitandum, vel ob maius bonum procurandum. Quod præter dicta superius, probatur primo ex scriptura, tam noui, quam veteris testamenti, quæ diligentissime cauet, ne nullus falsus aut superstitionis cultus impune toleretur, neue cum haereticis promiscue communicetur, vt dictum dubio præcedenti. Certe Ezechias Rex Iuda ob reformatum ac restitutum veræ Religionis statum, suâ laude in scriptura celebratur, magna que ideo felicitate à Deo donatus scribitur, 4 Regum 18. v. 3. Ita etiam ob verum Dei cultum defensum, ac vbi dilapsus fuerat restitutum, laudatur Dauid, Iosaphat, Iosias; sicut alij ob neglectum culpantur & vituperantur. De qua re breuiter Augustinus epist. 50. ad Bonifacium: Temporibus, inquit, Prophetarum omnes Reges, qui in populo Dei non prohibuerunt, nec auerterunt, quæ contra præcepta Dei fuerunt instituta culpantur. Et qui prohibuerunt & auerterunt super aliorum merita laudantur. Plura dubio sequenti.

Quæritur secundo, an possit Ecclesia per se, aut per Principes Christianos compellere infideles

33

34

35

36

493

Christianis temporaliter non subiectos, saltem ad legem naturae seruandam, adeoque etiam ob peccata naturali legi aduersantia debellare, suoq; dominio spoliatos sibi subiucere. Affirmatiuam sententiam tradunt Ostiensis in cap. *Quod super his*, Extra de voto, Panormitanus ibidem, Aluarus Pelagius de plautu Ecclesiae lib. 1. a. 37 Maior in 2. disp. 44. q. 3. Genesius Sepulueda: idq; saltem auctoritate Papae, vel Imperatoris, licite fieri posse, consentiunt Antoninus 3. part. tit. 22. c. 5. §. 8. Syluester Verbo Papa q. 7. Castro l. 2. de iusta haeret. punit. c. 14.

37

Sed dicendum est, hoc non licere; nisi eiusmodi infideles, aut in Ecclesiam fideique predicatorum, vel etiam in alios innocentes iniuriosi sint, ita ut vel fidei prædicationem seu propagationem impedian, vel terras Christianorum occupent, alij sue iniurijs eos lacestant, vel generi humano per manifestam iniuriam pernitosi sint, vt sunt Anthropophagi, & qui homines innocentes Dijs sacrificant. Ita Caietanus q. 66. a. 8. Gregorius de Valencia quæst. 10. punct. 7. Barnes q. 10. a. 10. Arragonius a. 8. Victoria relect. de Indis part. 1. Couarruias in regul. *Peccatum*, part. 2. §. 4. Sotus in 4. dist. 5. q. 1. art. 10. Iosephus Acofta de procuranda Indorum salute lib. 2. cap. 6. Molina de iustitia disp. 106.

Ratio est. Quia extra dictos casus nullus suppetit titulus eos debellandi. Non enim adeo titulus iustitiae vindicatiæ, ut pote qui non nisi superiori in subditos, nempe aut per se, aut ratione iniuriæ subiectos competit: nec titulus iustæ defensionis; quia ut supponitur, infideles illi non sunt iniuriosi alij, aut pernitosi humano generi. Neq; titulus correctionis fraternalæ ad hoc sufficit: quia fas nō est, eo titulo aliquæ violenter bonis suis seu re sua saltē per se licita, ac eidē utili spoliare.

Idem probatur ex Canone *Diffar* 23. q. 8. ubi dicitur: *Diffar nimurum est Iudæoru[m] et Saracenu[m] causa.* In illos enim, qui Christianos persequuntur, *Ex verbis* & *aprijs sedibus pellant, iuste pugnatur.* Hi vero *vbi* seruire parati sunt. Similis est lex 6. Cod. de Paganis vbi dicitur: *Christianis qui vere sunt, vel esse dicuntur, specialiter demadamus, ut Iudaï ac Pagani quiete degentibus, nihilq[ue] tenetibus turbulenti legibusq[ue] contrarium, nō audiat malū inferre, Religionis auctoritate abusi.*

Item Barnes cit. q. 10 a. 11. refert, Paulum III. definituisse, Indos Occidentales, de quibus olim non nulli sine causa dubitabāt, esse veros homines, & capaces vitæ æternæ, & veros dominos rerum, quas possident; nec priuando tali dominio & iurisdictione, ob solam infidelitatem.

Ex quibus etiam patet secunda pars assertionis. Potest enim quisque, per modū defensionis, vim iniustum, sibi alij sue illatum, vi repellere, innocentisq; tueri: ad quod etiā quisq; obligatur, nisi difficultas rei, iuxta charitatis leges excusat. Quod si Respublica perfecta sit, vt est sanæ Ecclesia, tū potest etiam iure vindicatiæ iustitiæ iniurias sibi illatas competente animaduersione vindicare.

Porro circa innocentum defensionem duo obseruanda sunt. I. Ut hæc defensio fiat cū moderamine inculpatæ tutelæ, hoc est, quam fieri potest minimo lœdantis damno, ut alibi docetur. II. Ut violenta hæc defensio nō sit magis grauis & one-

rosa innocentibus, quam ipsa iniuria nocentum, vt recte etiam notauit Barnes a. 10. Ob quam causam Iosephus Acofta lib. 2. de procuranda Indorum salute cap. 6. censem, moraliter, & in praxi non satis expeditam esse opinionem illam Theologorum, qui docent Carybas & Anthropophagos in Indijs licite posse bello infestari & subiici ut defendantur innocentes, quos alioquin solent crudeliter mactatos deuorare: tum quia leuiori metu compesci possent infideles illi relicto illis interim rerum suarum dominio. Tum quia nullius, inquit, rationis est, eos velle defendere, quorum graviores perpetres cedem. Constat vero copiissime, bello Indico plures infiniti partibus absunt, quam villa barbarorum tyrannide: Ita ipse. Quocirca in particulari casu, perpensis diligenter rerum circumstantijs, prudentum iudicio standum crit.

Quæsurit tertio, vtrum infideles possint habere prælationem seu dominium supra fidèles. Et sermo est de infidelibus ijs, quia alioquin ad fidem cogi non possunt, ex dictis dub. precedent. De qua re cum Sancto Thoma sequentes assertiones statuimus. ASSERTIO I. Nullo modo, quoad fieri potest, permittendum est, ut infideles de nouo præficiantur fidelibus. Ita S. Thomas cit. a. 10 omnibus cōsentientibus, Probatur quia hoc aperte cederet in scandalum & periculum fideli; cum facile ad superiorum placita subditorum sensa inflectantur, præterquam quod simili etiam infideles dum hac ratione fidelium defecit cognoscunt, fidem contemnere assuecant. Quæ causa est, cur Apostolus arguat fidèles, qui iudicio contendebant apud infideles 1. Cor. 6. v. 6. Eadem de causa Concilium Toletanum III. Can. 14. Matricenense I. Canone 8. & Auernense Canone 5. & Basileense sessi. 19. statuant, ne Iudæi admittantur ad publica officia, vel gradus Scholasticos.

Item Paulus IV. in propria bulla statuit, vt Iudei non possint habere bona immobilia inter Christianos, aut ex Christianis nutrices, seruos, aut ancillas: multoque magis ne mancipia Christiana habeant, dudum vetitum fuit à S. Gregorio lib. 7. epist. 113. ad Brunichildem Reginam Francorum. Altere res habet cum ministerijs quibusdam liberis, vt artificij aliecius seu cultura agri, in quibus sine alia subiectione infidelibus operam locare, non ita periculoso est. Quamquam nec hoc permittendum, si ex tali communicatione vel cōiectu subuersio fidelium timeatur, vt notauit S. Thomas eodem a. 10. ad 3. De qua re plures extant Canones dist. 45. & extra de Iudeis & Saracenis.

ASSERTIO II. Infideles tamen non hoc ipso amittunt dominium & iurisdictionem in suis subditos, quod hi ad fidem conuertuntur. Est itidem certa, & communis Doctorum sententia in 4 dist. 44. & 45. cum S. Thoma cit. a. 10. Probatur ex scriptura, quæ passim indicat, à Christianis necessario obtemperandum esse, etiam in conscientia, gentilibus Principibus tanquam veris & legitimis dominis, Matthæi 22. v. 21. Redde ergo que sunt Cæsaris Cæsari. Rom. 13. vers. 1. Omnis anima protestatis sublimioribus subdita sit. Non est enim possumus.

495

potes^{tas} nisi à Deo. Et v. 5. Ideo necessitate subditi estote, non solum propter iram, sed etiam propter conscientiam. Et 1. Petri 2 v. 13. subiecti igitur estote omni humano creature propter Deum. Similia habentur in epist. ad Titum 2. & 3. Nec obstat illud Christi Matthœi 17. Ergo liberi sunt filii. Loquitur enim hic Christus de se, tanquam naturali filio Dei summi Regis; & ut suum etiam de S. Petro, alijque Apostolis, adeoq; per consequentiam etiam de Summo Pontifice, & personis Ecclesiasticis, quæ in Christi quodammodo aula ac familia versantur, de quo aliabi.

45 Secundo idem docent SS. Patres, præsertim Polycarpus apud Eusebium lib. 4. hist. cap. 25. Augustinus lib. 5. de ciuit. c. 21. & in psalmum 125. Sicut etiam in Concilio Constantiensis sess. 8. & 15. damnatur error Wicelli & Huss assertorum, eum qui est in peccato mortali, non esse dominum ciuilem; quod etiam docuisse fertur Armacanus in defensorio pacis. Imo Victoria relect. de Indis, Triedo lib. 3. de libert. Christian. cap. 9. & Sotus lib. 4. de Iustitia quæstione 2. pro manifesto errore habent, si quis dicat, carentem fide, hoc ipso incapacem esse dominij in Christianos exercendi, quod significat Ostiensis in capit. Quod super his, de voto & voti redemptione, & Aluarus Pelagiūl. 1. de planctu Ecclesiæ cap. 13.

46 Tertio accedit ratio S. Thomæ: quia ius dominij, vel prælationis, introductum est iure humano, nempe Gentium: distinctio autem fidelis & infidelis est ex iure diuino, seu lege gratiæ, quæ non tollit ius humanum, naturali ratione nixum.

47 ASSERTIO III. Habet tamen Ecclesia in actu primo potestatem eximendi fideles à dominio & potestate quorumvis infidelium, sive hi alioqui Ecclesia temporaliter subiiciantur, sive non.. Ita Sanctus Thomas eodem articulo 10. Et priore pars, de infidelibus Ecclesiæ subiectis loquendo, est certa & extra controversiam. Ratio est: quia quævis perfecta communitas potest circa subditorum bona disponere, prout communis utilitas Reipublicæ, ac in primis præcipuum subditorum postulat: ad eiusmodi vero bona pertinet dominium sive iurisdictio infidelium dominorum in subditos.

Secunda pars probatur à S. Thoma; quia infideles merito sua infidelitatis merebuntur potestatem amittere super fideles, qui transseruntur in filios Dei. Quasi dicat S. Thomas: æquum est, ut translati in sortem filiorum Dei, exoluantur à potestate infidelium, qui in diaboli sorte & castris versantur.

48 Sed hæc ratio potius congruentia quædam est, supponens aliunde ius hoc faciendi; quod quidem hac ratione probatur. Quando enim duæ potestates ita in rem eandem conueniunt, ut earum altera sit perfectior, maior, diuinior, & absolute superior, tunc si utraq; ex natura sua non bene simul cohæreat, sed altera alteri grauiter præjudicet, debet sancire minor illa potestas cedere maiori, ita ut per hanc etiam possit minor illa enerari, inquantum illa maiori

officit: sed ita se habet Ecclesiæ potestas, respectu fidelium, comparata cum potestate politica infidelium. Ergo. &c. Minor probatur; qui infideles communiter solent impedire absolutum ius gubernationis Ecclesiastice in subditos, ac simul præcepto, minis, blanditijs, aperte vel occulte auocare eos ab obedientia debita Ecclesiæ; ita ut moraliter sine periculo animæ infidelibus dominis subesse non possint.

Vnde colligitur alia etiam ratio; quia cuique Magistratus licet, subditos, quoad opus est, ab iniusta vi tueri; sed hoc in præsenti alter vix fieri potest, nisi fideles à dominio infidelium subtrahantur. Ergo. &c. Et confirmatur: quia ob similem causam, dissoluitur matrimonium ab infidelibus ijsdem contractum, si postquam alter conuersus est ad fidem, nolit alter absque iniuria Creatoris cobabitare: & forte etiam hoc ipso, quod monitus iste conuertere cursat, de quo alibi.

ASSERTIO IV. Ecclesia tamen hac sua potestate non vitetur, nisi erga infideles Principibus Christianis temporaliter subiectos; non autem erga alios: nisi cum illi peculiaribus iniurijs Christianos, aut Christianam fidem afficiunt. Primum patet ex multis decretis distinctione 54. & capit. Constatuit, causa 17. quæstione 4. vbi statuitur, vt Iudeorum serui, si vernaculi (hoc est, in servitute nati,) vel ad seruitutem empti sint, eo ipso liberi sint, quod ad fidem conuertuntur. Si autem ad mercationem fuerint empti, vt intra tres menses venum exponantur. Idem habetur cap. Iudei & in cap. Cum sit, de Iudeis, vbi id ipsum etiam ad Paganos Christianis subiectos extenditur. Similia habentur in Cod. tit. de Iudeis, lege, Haec Valitura, & tit. de Episcopis & Clericis, lege, Deo nobis. Quo iure, iuxta Bañem hinc. 10. etiamnum conuerteris Indis Occidentalibus, auctoritate Pontificis, præficiuntur noui Magistratus.

Neque tamen id fieri putandum est, quod Iudei sint veri & proprii serui ac mancipia Christianorum, vt bene etiam docet Suarez tract. de bapt. disp. 25. sect. 5. licet S. Thomas opusculo 21. & Ostiensis in cap. Etsi Iudeos, de Iudeis, ita senserint; sed quia certe sunt Christianorum tributarij, vt loquitur Augustinus in psalm. 57. & 58. & docet S. Thomas hic quæstio. 10. articulo 12. ad 3. & 3. part. quæstio. 68. a. 10. ad 2. In quem sensum etiam accipienda sunt iura, & S. Thomas hic a. 10. cum eos absolute seruos Christianorum vocant.

Ratio secundæ partis est: quia id expedit ad publicam quietem & ædificationem, adeoque ad vitandam perturbationem, & scandalum, quod alioqui facile conciperent infideles, si viderent, Christianos titulo fidei præcisæ eorum dominio subtrahi. In quo se conformat Ecclesia exemplo Christi soluentis tributum etiam indebitum, Matthœi 17. & præcepto Apostoli. vt serui dominos suos honorent, ne nomen Domini & doctrina blasphemetur. 1. Tim. 6. v. 1.

ASSERTIO V. Imo probabile est, seclusa iniuria, & periculo subversionis, non posse fi-

49

50

51

52

53

deles iure eximi à dominio infidelium, eorum, qui Ecclesiæ nullo modo subjiciuntur. Ita Durandus in distinct. 44. quest. 3. artic. 2. & Bellarminus lib. 5. de Pontifice cap. 7. ratione 3. Etsi contrarium non minus probabiliter afferant Bannes & Arragonius hic questio. 10. a. 10. & Gregorius de Valentia quest. 10. punct. 8. fauente S. Thoma eodem a. 10. vbi is absolu te loquitur.

54 Ratio prioris sententia est; quia tunc nullus videtur suppeteret titulus; quo fideles à domino infidelium dominorum eximantur. Ratio posterioris sententia est. Nam vt de dignitate & maiestate Religionis Christianæ nihil dicam, à qua argumentari præcipue videtur S. Thomas; certe ipso titulo defensionis, licet non solum vim re ipsa illatam propulsare, sed etiam probabiliter inferendam modis conuenientibus efficaciter anteuertere. Quamquam in hac re, id saltem discriminis est; quod si Ecclesia titulo solum defensionis, non data ab infidelibus sufficiente causa vindictæ, vitetur, aut solum titulo excellentioris iuris Ecclesiæ, tunc sane non exercet in ipsos infideles directam iurisdictionem, quam nullam habet; si autem in casu illata iniuria iusta vindictæ titulo id faciat, tunc etiam directe exercet in ipsos infideles iurisdictionem ortam ex delicto.

55 ASSERTIO VI. Etsi generatim Ecclesia non soleat, nec sine scandalo possit eiusmodi infideles priuare dominio fidelium; nihilominus tamen iure possunt Christiani ab infidelibus in seruitutem abducti fugere ab infidelibus dominis, sine alia tamen vi ipsis dominis illata, & salua obedientia seruili, quamdiu in seruitutis conditione manent: idque etiam generali lege præcipere eis poterit Pontifex. Ita Azor tom. I. lib. 8. cap. 23. question. 23. Ratio est: quia maius est ius, quod quisque habet ad suam incolumentem & animæ securitatem quærendam, quam ius illud infidelium.

Æquum tamen fuerit, vt iustum lytrum dominis infidelibus refundatur, nisi propter tyrannidem, alias causas, eo iure priuentur. Multo magis poterunt Christiani, qui ciuiliter tantum subiecti sunt, eiusmodi infidelibus, etiam propria auctoritate, sese in aliam prouintiam conferre, Christianisque dominis ciuiliter se subjicere, à quibus si opus sit, etiam contra infidelium vim defendantur.



D V B I V M III.

An, & quaque ratione cum infidelibus de toleranda infidelitate, seu religionis libertate pacisci, eiisque impunitatem securitatemque promittere liceat.

Ad S. Thomæ 2. 2. q. 10. a. 11.

56 D Ocit quidem generatim Sanctus Thomas cit, quest. 10. art. 11. infidelium quorumcunque ritus & superstitiones iure nonnunquam tolerari, sive ut vitetur maius malum, sive ut maius aliquod bonum eueniatur: an vero & qua ratione de hac ipsa permissione pacisci, eamque promittere, vel in pactum deducere liceat, permisique seruare oporteat, ipse non declarat; sicut nec coomittere alij scholæ Theologi. Quia tamen hæres hoc tempore, & per se admodum scituncessaria est, & simul proprie ad hunc locum pertinet, non est à nobis prætermittenda; quā proinde duabus dubitationibus sequentibus absolument.

Et quod ad præsentem dubitationem attinet, dum queritur, an, & qua ratione nonnunquam permissione falsa, adeoque etiam hæreticæ religionis à Christianis Principibus promitti, & in pactum deduci possit; sive quod eodem pertinet; an & qua ratione Principes Christiani nonnunquam libertatem religionis, seu quam vocant autonomiam credendi concedere, pactoque aut iuramento firmare licite possint; Notandum est primo, libertatem credendi, seu quam vocant autonomiam, absolute & ex vi verborum, multo latius patere, quam sit unius vel alterius certa, etsi falsa, puta Lutherana, aut Caluinianæ religionis permisso; qualis ex parte hodie in Imperio concessa appetat: quandoquidem credendi libertas seu autonomy generatim significat liberam potestatem credendi quidquid libeat; vt proinde hec absoluta & incircumscripta potestas, illa vero restricta quadam credendi libertas vocari possit. Neque vero est questio, an Princeps eiusmodi libertatem probare; neque an in illo vel altero articulo Catholicæ fidei, aliquid concedere possit, ita vt vel minimo fidei articulo obliterato, syncretismus in religione instituatur: hoc enim fieri nullaratione posse constat ex dictis supra question. 7. dub. 3. sed solum est questio de contraria religionis permissione, eiudemque permissionis promotione, salua ipsius in se fidei Catholicæ integritate & sinceritate.

Notandum secundo, hoc loco solum questio esse de ijs infidelib⁹, qualiko modo, se temporaliter, seu spiritualiter Ecclesiæ subjiciuntur; & potissimum quidem de ijs, qui temporaliter, seu ciuiliter ijs ipsis Principibus Christianis subjiciuntur, de quorum pactione & promotione cum infidelibus & hæreticis ineunda queritur.

De.